

## **NALSA (Legal Services to the Victims of Drugs Abuse and Eradication of Drug Menace) Scheme, 2015**

### **1. Background**

- 1.1. Thalai, naupang leh tleirawlte zingah damdawi hmansual avangin hian ram chhung hriselna leh sum leh pai chungchangah nasa takin nghawng a nei a. State leh khawtlangah hmalak hi a pawimawh a ni.
- 1.2. He damdawiin naupang pawsawilo, tleirawl, thalai leh hmeichhia te chunga a kut rapthlak tak a zarpharh hi thuruk langsar tak a ni. He thil rapthlak tak rawn larna hi kum 9-10 vel ani awm e. Zirchianna in a tarlan danin India ramah mi vaibelchhe 7 vel damdawia inhnamhnawih awmin, chung zingah 17% te chuan a ngawl an vei a ni.
- 1.3. Heng thil thalo/damdawi phalloh chinna hmun hi a bulpui ber chu an ni. A tlangpuiin, heng ching thinte hian a nghawng awm thei an hriat loh vang a ni. Hetiang thil thalo ching thinte veng tur hian Panchayati Raj Institution leh khawtlang hravite an pawimawh hle.
- 1.4. State chhunga agency tamakte leh NGO ten he damdawi hmansualna tirem tura thawk an awm laiin thawhpui tur tha an nei lo va. Mimal thahnemngaihna ringawt chuan engmah a ang thei lo a ni. A tawng tawhte atanga hriat danin damdawi hmang sualte hian engti anga inenkawlna lak tur nge tih leh ngai awh leh thei tura insiam dan turah a ngaihna an hre lo.
- 1.5. Legal Services Institution ten he thil hlauhawm tak khuahkhirh tur hian an thawk ve thei a, 13<sup>th</sup> All India Meet of State Legal Services Authorities Ranchi (Jharkhand)-a neihnaah resolution pass niin Legal Services Institution zawng zawngten damdawi ngawlvei leh hmangsual thinte huam tela an harsatna te bih chian tul a ti a ni.

### **2. Existing Legal Provisions**

- 2.1 He damdawi hmansualna hlauhawm tak do tur hian March 1961 atang khan United Nations-in International level leh Single Convention on Narcotic Drug-ah bul lo tan tawhin, a hnuah March 1972 kum khan he Convention-a resolution hi siamthat leh a ni. Kum 1971 khan The United Nations Convention on Psychotropic Substances neih niin, tichuan, United Nations Convention against Illicit Trafficking in Narcotic Drugs & Psychotropic Substances, 1988 duan a ni leh a. Heng Convention zawng zawngah hian India pawh hming ziaktu a ni.
- 2.2 Indian Constitution-a Article 47-ah chuan damdawi atana hman a nih loh chuan zu leh damdawi hriselna tichhe thei chi reng reng chu State-in a khap tur a ni a ti.

- 2.3 Damdawi hmansualna ram pumah a hluar avangin, dan chipchiar tak siam anih phah a :  
 (i) The Drugs and Cosmetics Act, 1940 leh (ii) The Narcotic Drugs and Psychotropic Substances Act, 1985. Heng hi narcotic drugs leh psychotropic substances te khap, control, dan siam, chin, siam chhuah, zawrh, in leh a dangte a huam. Dan khauh tak awm mahse a huho sumdawnna atana dawmdawi hmanna chi hrang hrang a tam hle a ni.
- 2.4 Hetiang hi anih avangin, NALSA hian Legal Services Institutions ten tirem a, ngawlveite siam tha turin hnathawh tur pawimawh a nei tih a hria a. Hemi atan pawh hian Committee din a ni. He Scheme pawh hi Regional Conference on the ‘Drug Menace in India - Overview, Challenge and Solutions’ tih hmanga Manali, Himachal Pradesh-a neiha Committee te ngaihtuaha duan chhuah a ni.

### **3 Name of the Scheme**

Scheme hming atan chuan “NALSA (Legal Services to the Victims of Drug Abuse and Eradication of Menace) Scheme, 2015” tih a ni ang.

### **4 Definitions**

He scheme-in a tarlan loh thil pawimawh dangte chu-

- a) “Act” awmzia chu Legal Services Authorities Act, 1987 (39 of 1987)
- b) “NDPS Act” awmzia chu The Narcotic Drugs and Psychotropic Substances Act, 1985 (Act no.61 of 1985)
- c) “Legal Service” awmzia chu Legal Services Authorities Act 1987-a section 2(c) hnuiai hrilhfiah ang.
- d) Legal Services Clinics awmzia chu National Legal Services Authority (Legal Services Clinics) Regulations 2011, regulation 2 hnuiai clinic sawifiah nen thuhmun a ni.
- e) Legal Services Institution awmzia chu State Legal Service Authority, Supreme Court Legal Services Committee, High Court Legal Services Committee, District Legal Services Authority emaw Taluk Legal Service Committee.
- f) Panel Lawyer awmzia chu National Legal Services Authority (free and competent legal services) Regulations 2010, regulation 8 hnuiai panel lawyer thlan chhuahte.
- g) Para Legal Volunteer awmzia chu NALSA Scheme for Para Legal Volunteers (Revised) and Module for the Orientation – Induction – Refresher Courses for PLV Training hnuiai Para Legal Volunteer hrilhfiah leh legal services institution ten training an pekte.
- h) Thumal hman amaherawhchu he scheme-a hrilhfiah anih loh chuan Legal Services Authorities Act, 1987 (39 of 1987) emaw National Legal Services Authorities rules, 1995 emaw National Legal Services Authority (Free and Competent Legal Services) Regulations, 2010 te nen awmzia inang an ni tihna a ni.

## 5 The Objectives of the Scheme

- 5.1 Mi, a tam thei ang ber hnenah Narcotic Drugs leh Psychotropic Substance chungchangah dan, policy hrang hrang, Programme leh Scheme chungchanga awareness neih mai bakah school leh college zirlai naupangte, khawlai naupangte, khawpuia mirethei hote, damdawi hmanga inchiu thinte, chhungkua, jail tangte, inhlawhfa thinte, damdawi zuarte, nawhchizuarte leh mipui leh adangte hnenah damdawi hmansual vanga nghawng awm thei zawng zawng chungchangah awareness buatsaih tur a ni.
- 5.2 Ruihna atana hmang thin siamna atana hman thin ching thintu lo neitute hnenah literacy camp neiin damdawi leh ruihtheih thil dangten taksa leh nunna atana a thatloh zia zirtirna buatsaih.
- 5.3 Chhungkua, zirtirtu leh zirlai naupang zingah ruihtheih thil hmansual that loh zia zirtirna atan awareness thehdarh nise.
- 5.4 Stakeholder hrang hrangte chu - Dan hremi, Prosecution, Bar member, Police, Forensic Laboratories, De-addiction Centres, Insiamthatna hmun, Rehabilitation Centre, School, College leh University administration, Children home, Old-age Home, Nari Niketans, School for special Children, Ministerial Staff of Courts, leh a dangte hnenah damdawi hmansual that loh zia leh tirem tura hmalak dan tur chungchangah zirtirna neih nise.
- 5.5 Damdawi hmangsual thinte, an enkawlna leh sim tura siamthatna atana hmanraw awmsa hmanga zawn chhuah.
- 5.6 Khawtlang hruateute nena thawk hovin ruihhlo tihrem dan tur leh invenna kawnga hma la hovin a siamchhuahna atan hmanraw hman thinte tih chhiat hna thawh ho.
- 5.7 Drug De-Addiction Centre leh Rehabilitation Centre te nen thawk hovin ruihhlo ti thinte enkawlna atana mamawh leh enkawl mekte rights zah sak kawnga hmalak ho.
- 5.8 Stakeholder, hetiang lam thawk thinte nen thawhho.
- 5.9 Dan kalha damdawi zuar thinte leh hmangsual thinte dan anga tanpuina pek dan tur enfiah.

## Plan of Action

### 6 Establishment of Special Units

- 6.1 The State Legal Services Authority (SLSA) ten he scheme hman tan anih atangin thla khat chhungan State chhunga Taluka/Mandal/Sub-Division zawng zawngah Special Unit a din ang a, chutah chuan Judicial Officer (pakhat emaw a aia tam), ukil la upa lo (pakhat emaw a aia tam) Chairman, DLSA-in a tlanchhuah, Medical Officer (pakhat emaw a aia tam) changtu

Chief Medical Officer thlanchhuah, Revenue/Police/Forest officer (pakhat emaw a aia tam) Chief Secretary thlanchhuah, social worker, Para Legal Volunteer leh NGO lam aiawh damdawi hmangualte enkawlna lama lo thawk tawhte an tel tur a ni. Special Unit hi Chairman, Taluka/Mandal/Sub Divisional Legal Services Committee (TLSC) kaihruaina hnuiah a awm ang a, Chairman, DLSA-in a pumpuiin a enkawl ang.

- 6.2 He Special Unit-ah hian member sawm aia tam an awm tur a ni lo. Secretary, DLSA chu District tan Nodal Officer a ni ang, Secretary, Taluk Legal Services Committee chu Secretary a ni thung ang.
- 6.3 Special Unit din anih hnuah memberte tan DLSA-in NALSA module angin training a buatsaih ang.
- 6.4 Special Unit ten Chairman, DLSA kaltlangin SLSA-ah an hmalakna report a thawn ang a, aniih ngaihdante a lo ziak tel ang.
- 6.5 Special Unit din anih atanga ni 15 chhungin anmahni huamchhunga damdawi hmansual chungchanga an hmalak dan tur Micro Level Programme an buatsaih tur a ni.
- 6.6 Hetiang programme reng reng chu Chairman, DLSA-in Member Secretary, SLSA hnenah a thawn ang a, aniih Executive Chairman, SLSA hnenah remtihna la turin a thawn leh ang a, tichuan, Chairman, SLSA remtihna chu ni 15 chhungin a rawn pe chhuak leh ang.
- 6.7 He scheme-in tih tura a ruat chauh nilo SLSA-in a ruat sak ang pawh Special Unit te hian an thawk ang.

## **7 Creation of Database**

SLSA ten Policy, Schemes, Regulation, Directive, Prevention, Rules, Declaration leh Report chungchang awm tawhsa hmangin Database siamin an website-ah an upload ang a, chutiang bawkin NALSA-ah pawh an pe ve ang.

## **8 Implementation of various schemes**

- (a) Mipui zinga policy, scheme leh programme chungchang tihdarhna atan SLSA ten kawng engkimah hma an la ang. A bik takin damdawi hmangualte, an chhungte leh De-addiction/ Rehabilitaion lama thawktute hnenah.
- (b) Special Unit ten hetiang chungchang hi an office an tar ang a, SLSA phalna la-in booklet/pamphlet/placard leh a dangte an chhut tir bawk ang.

**9 Destruction of Illicit cultivation**

SLSA ten State sawrkar thawhpuiin ganja leh opium leh ruihna atana hman chi reng reng siam chhuahna atana hman thin tihchhiat kawngah hma an la ho ang. SLSA ten sawrkar hnenah MNREGA Scheme hnuaih heng thil tihchhiat hi phal turin a ngen ang. Hei hi ruihna atana hman thin chinte tihchhiat kawngah leh mipui zinga campaign-na tha tak a ni.

**10 Participation of Local Bodies/Panchayati Raj Institutions at grassroot level**

Heng institution-te tel vena chu ahnuai ami ang hian ani ang:-

- (a) Special Unit ten charas/ganja leh a dangte chinna hmun zawng chhuak turin Panchayati Raj Institution an thawhpui ang. Special Unit-te report buatsaih chu Chairman, DLSA kaltlangin SLSA hnenah thawn a ni ang a, chumi hnuah Executive Chairman, SLSA phalnain thuneitute nen hma lak a ni ang.
- (b) Special Unit ten damdawi ngawlvei leh inchiu thinte zawng chhuaka enkawl leh siamthatna atan Panchayati Raj Institution-te puihna a la ang.
- (c) Damdawi hmansual vanga nghawng tha lo chungchang thingtlang khuaa awareness thehdarh kawngah Special Unit ten Panchayati Raj Institution-te puihna a la ang.
- (d) A theih chuan campaign neih kawngah Special Unit ten hmeichhe pawl leh thalai emaw self help group-te a thawhpui ang.

**11 Awareness**

**11.1 Awareness in Schools/COLLEGES**

School leh College-a damdawi hmansual nghawng chungchang awareness leh sensitization programme neih kawngah Special Unit ten school-a Legal Literacy Club leh College-a Legal Services Clinic-te an thawhpui ang.

- (a) Awareness leh sensitization programme-te hi chi hrang hranga kalpui theih ani, hetiang;
  - (i) School-ah/school hrang hrang inkawpin “run against drug abuse” tih banner-ah milem dah telin awareness campaign tan.
  - (ii) Awareness camp
  - (iii) Parents- Teachers meeting zing taka huiahawt.
  - (iv) Mass Literacy Campaign kaltlangin.
  - (v) Symposium, Seminar, Debate leh thildang kaltlangin.
  - (vi) Drugs chungchangah quiz leh essay writing competition buatsaih.
  - (vii) Short play; leh midang hneh thei tur buatsaih
  - (viii) Thildang midang hneh thei tur engpawh.
- (b) School/college-a zirtirtute chu awareness/sensitization programme-ah an tel ve ang.

- (c) Awareness/sensitization programme-ah hian NALSA/SLSA-te pamphlet/booklet buatsaih te sem thin a ni ang.
- (d) Heng pamphlet/booklet-te hi awareness zawng zawngah sem a ni ang a, front office leh legal services clinic atan pawh tangkai tak a ni ang.
- (e) School leh college curriculum-ah damdawi hmansual chungchang zeh telh - School leh college curriculum-a zeh tel anih theihna atan Education Board leh University te biak rawn nise.

#### **11.2 Awareness to the families of the victims of Drug Abuse**

A tlangpuiin chhungkuua naupang khuahkhirh loh emaw chhungkaw kehdarh emaw chhungkuua tu emawin damdawi rui thin/ruihtheih dang ti thin an awm avangin damdawi ruih chakna an neih phah thin.

- (a) Special Unit ten chhungkaw zinga damdawi hmangsual thinte leh an nu emaw pa emaw ruihtheih thil ti thinte zawng chhuakin an fate nen inzawmna tha nei turin hma an la ang. An thil tum ber tur chu an nu leh paten an fate biaa an thil tih thin te zawt a, an zirtirtute hnenah an fate chungchang leh an awmdan sawipuiin, damdawi ngawlvei hi tihdam theih a ni tih hrilh tura an rilru hneh.
- (b) Inthliarhranna leh a nghawng chhuah rilru lama harsatna chungchangte, hrisel lohna eng pawh hriat chhuah anih thin angin ngawlveina pawh hriatchhuah anih veleh enkawl anih theih nan awareness neih nise.

#### **11.3 Awareness amongst Street Children**

- a) Damdawi hmangsual zinga atam ber chu khawlai naupangte an ni. Heng mite hi ngaihsak loh, chhungte tuithlar leh endawngte an ni. Chuvangin, heng khawlai naupangte tana thawk thin NGO-te nen an venhimna tur ngaihtuah hi a pawimawh hle.
- b) Special Unit ten khawlaia ngawlvei tamna hmun leh urban slum naupangte zawng chhuakin De-addiction centre emaw Rehabilitation Centre emaw an dinhmun azirin an awmna tur an ruahman sak ang.

#### **11.4 Awareness amongst the victims of drug abuse**

Special Unit ten heng damdawi ngawlveite an zawn chhuah hnuah Psychologist leh doctor-te nen tangkawpin sensitization programme an neihpui thin ang. He programme ah hian sport, Cinema, Literature leh thildanga lo hmingtha tawhte telh ni bawk se.

#### **11.5 Awareness Programmes for sex workers**

Special Unit ten red-light hmunah awareness programme buatsaihin nawhchizuar thinte leh an fate hnenah hma la-in damdawi hmansual avanga nghawng tha lo chungchangah sawi thin nise.

### **11.6 Awareness Programmes in Jails**

Legal Services Institutions ten a khat tawkin jail tangte leh hnathawkute zingah narcotic drugs nghawng thalo chungchangah awareness leh sensitization programme an nei thin ang.

### **11.7 Awareness amongst General Public**

- a) Lo neitu, opium emaw thlai dang hetiang lam chi chin phal sakte awmna hmunah Special Unit ten ND&PS Act chungchangah Legal Literacy Camp a khat tawka buatsaihin ruihtheih thil, dan phal loh zawrh leh ei/in that lohna leh a nghawng chungchang zirtirna thehdarh tur a ni.
- b) Dan phalloh damdawi eng chi pawh zawrh, chin, phurh leh a dang chungchang a ruka police briattir thin turin mipuite chu zirtir a, hetiang ti an lo awm anih chuan an nihna thupsak anih tur thu hrilh bawk tur a ni.
- c) Lirthei khalhtu leh taxi khalhtute zingah Legal Literacy Camp nei thinin damdawi that lohzia leh a nghawng awm thei chungchang zirtirna pek thin tur a ni.
- d) Legal Services Institutions-a Special Unit ten Bus-stand, Railway Station, sawrkar leh private school, University, Panchayat Bhawan, Court, District Collectorates, SDM office leh hmun dangahte ND&PS Act leh damdawi hmansual nghawng tha lo chungchang signboard, hoarding leh thil dangte an tar tur a ni.
- e) Special Unit ten thingtlang,Fairs leh Festival-ah awareness buatsaihin damdawi hmansual nghawng chungchangah a buatsaih bawk ang.
- f) Organisation/association hrang hrangte telhin Special Unit ten hmun lun lai, bazar hmun leh vengchhungah awareness camp an buatsaih ang.
- g) Postal Authorities, Courier Agencies leh Financial Institution-te hnenah SLSA-in heng agency hrang hrangte kaltlangin damdawi thawn kual anih thin chungchang an hnuaia thawkte hnena inhrilh hriaa fimkhur turin a ngen ang.

### **11.8 Awareness amonst Chemists and Peddlers**

- a) Special Unit ten damdawi zuartute hnenah damdawi hmansual nghawng tha lo chungchangah zirtirna an pe ang.
- b) Naupang leh thalai damdawi lei zing thinte ngaihven a, chung damdawite chu hrakh tawh lo turin damdawi zuartute training pek tur a ni.

- c) A ruka damdawi zuar thinte zawng chhuakin a that lohzia zirtirna pek bawk tur a ni.
- d) Police pawh invenna lama tel turin leh dawrkai rinhlelhte chu ngaihven turin hrilh nise.

**11.9 Awareness through Electronic and Print Media.**

Damdawi nghawng thalo leh do kawnga hmalakna chungchangah Radio leh TV lamah SLSA-in a zing thei ang berin programme an buatsaih tur a ni. He programme hi Judicial Officer te, Lawyer te, Psychologist te, Psychiatrist te, Police Officer te leh midangte nena tangkawpa buatsaih tur a ni.

**12 Co-ordination with De-addiction/Rehabilitation Centres**

- a) Special Unit ten an huam chhunga Rehabilitation leh De-addiction centre awmte chu thla khatah vawikhat tal an tlawh thin tur a ni. Taluk huamchhunga rehabilitation leh de-addiction centre awmte chu chhinchhiahin an chanchin a khat tawkin an ziak thin ang. An chhinchhiahte chu SLSA hnenah an chanchin leh a neitu chungchang an thawn ang.
- b) Rehabilitation/de-addiction hmuna an thil neihte a tha tawk em tih Special Unit ten an endik ang.
- c) Counselor, psychologist leh doctor ten heng hmun an tlawhna chu Special Unit ten endikin an record ang.
- d) Rehabilitation centre-a damdawi ngawilvei enkawltute an indaih tawk em tih chian nan Special Unit ten a thawktute an enfiah thin ang.
- e) Special Unit ten a thawktu, bungrua emaw hmangrua emaw indaih lova an ngaih chu DLSA hnenah thlenin, anni'n thuneitute hnenah heng harsatna suking turin hma an la ang.
- f) Special Unit ten heng ruihhlo ngai enkawl mekte lakah engemaw thil felhlel awma an hriat chuan Chairman, TLSC hnenah an thlen ang a, anni'n heng mite thu ngaihtuah zel dan turah dan lama puihna a lo pe ang.
- g) Special Unit ten rehabilitation centre te chanchin lakhawmin DLSA hnenah thla tin report a thehlut ang a, chung report-ah chuan enkawl laite chanchin kimchang, engthil nge an tihpui thin leh Psychologist leh Doctor-te tlawh chungchang leh siamthatna kawnga hmalakna te a tel tur a ni.
- h) Special Unit ten ruihhlo ngaite tan a khat tawkin awareness an buatsaih ang a, heng awareness-ah hian ruihhlo ngaite'n khawtlanga an inhman theihna turin khawtlanga lama pawl hrang hrangte tan rualpui tur a ni.

**13. Training/Refresher Courses for Stakeholders**

SLSA ten anmahnin emaw State Judicial Academic te nen tangkawpin emaw Judicial Officer te, Prosecutor te, Bar memberte, police officer te leh Court-a Ministerial staff-te tan sensitization programme te, refresher course training te, special training te leh conference an buatsaih thin ang.

**14. Observance of International Day against Drug Abuse on 26<sup>th</sup> June**

Legal Services Institution ten Special Unit te puinhain kum tin June, ni 26-ah “International Day against Drug Abuse and Illicit Trafficking” tih thupui hmangin awareness buatsaih tur a ni.

**15. Association of Reformed Drug Addicts.**

Special Unit ten an huamchhunga damdawi ngawivel thinte zawng chhuakin awareness camp-ah an thil tawn tawhte midang hnenah sawi turin an tangkawp ang.

**16. Anti Drug Clubs**

- a) Special Unit ten School leh College thuneitute hnenah naupangten midang hnena damdawi that lohzia leh a nghawng chungchang an hrilhhriat theih nan Anti Drug Club din turin an ngen ang.
- b) Special Unit ten school/college-ah Anti Drug Club kaltlangin sensitization programme an buatsaih ang. Sawi tawh angin Legal Literacy Club leh legal services clinic-te chu hemi atan hian hman tur a ni.

**17. Involvement of Para Legal Volunteers**

Para-Legal Volunteers-te chu Scheme hrang hrang chungchangah training pe-in, anni hian hmun hrang hrang tlawhin Damdawi leh ruihtheih thil dang chungchangah mipui zirtirna an nei thin ang.

**18. Recognition of Good Work**

Kum tin financial year tawpah SLSA ten an State chhunga Special Unit-a memberte hnathawh chungchang a ziak ang.